

欽定大清會典事例

欽定大清會典事例卷四百八十五

禮部

喪禮

孝和睿皇后大喪儀一

孝和睿皇后大喪儀。○道光二十九年十二月十一日。  
恭慈康豫安成莊惠壽禧崇祺皇太后崩。

宣宗成皇帝截髮辮成服。

皇子摘冠纓成服。

皇貴妃

貴妃

妃

嬪以下暨

皇子福晉俱摘耳環成服。

慈寧宮內之女子內監尚茶尚膳男婦等均翦髮截辮  
成服。○十二日

諭朕侍奉

皇太后。以天下養二十九年。仰見

壽履康彊。齡躋大耋。私心慶慰。方冀延祺益算。克享期  
頤。昨於初七日自御園奉

駕還宮。連日恭詣請

安知

慈躬偶爾違和。竊謂頤養數日。即就安痊。詎意高年病勢日臻。遽於十一日申刻。

仙馭升遐。銜恤哀號。痛何能極。伏念朕自

聖母孝淑睿皇后慈馭上賓以來。深荷

大行皇太后隆恩覆庇。私冀承

歡奉養。愛日方長。今竟無由再仰

懿顏。悲懷難釋。欽奉

遺詔。喪服二十七日而除。朕心實所難安。仍當穿孝百日。並素服滿二十七月。稍伸哀悃。至

諭以朕年近七旬。勿過悲哀。國事為重。敢不敬遵。

遺命。強加抑制。本日復據王大臣合詞籲懇。勉節哀思。奏請仰遵。

皇祖高宗純皇帝成憲。著勉如所請。每日奠醑後仍居養心殿。所有

大喪禮儀。著派惠親王綿愉。定郡王載銓。大學士耆英。尚書文慶。敬謹管理。一切應行事宜。並著詳稽舊典。悉心覈議。隨時具奏。○又奏准。

皇帝二十七日內不辦事。如有緊要及軍務事件。照常辦理。二十七日內

上諭用藍筆。各衙門題本文移用藍印。

皇貴妃

貴妃

妃

嬪以下

皇子及

皇子福晉以下均於二十七日大祭後釋服。親王  
為子者截辮。福晉為子婦者剪髮。其餘王以下  
奉恩將軍以上。民公侯伯以下。有頂戴官員以  
上。各給白布成服。罷斥及閒散宗室覺羅亦准  
成服。閒散中年老年幼不能齊集者。停給孝布。

公主福晉以下。鄉君奉恩將軍恭人以上。民公夫人以下。二品命婦兼男爵侍衛妻以上。內務府三旗官員及執事人之妻。俱摘耳環給白布成服。其漢官命婦停給。王以下。入八分公以上。內大臣侍衛大學士等。在門外東旁齊集。內務府三旗官員及領催拜唐阿等。在門外東牆下。未入八分公以下官員以上。在東旁門外。內裏行走之福晉公主格格。在

几筵殿內。其餘公主福晉以下。鄉君入八分公夫人以上。在門內西旁。未入八分公夫人以下。三品命

婦及男爵侍衛妻以上在西旁門外。內務府三旗官員等妻在侍衛妻後。各排立。王以下官員自奉移前每日三次齊集。奉移後每早齊集一次。二十七日停止。公主福晉以下。二品夫人以上。三日內每日三次齊集。第四日每早齊集一次。初祭後停止。遇祭日均照常齊集。內務府三旗官員人等及妻奉移以前每日三次齊集。奉移後三旗分為三班。每日一旗二次齊集。大祭後分為六班。每日一班二次齊集。至百日止。婦女等齊集處。並設席棚青布步帳。王公各於府



第齋宿部院官於本衙門。都統參領佐領及散秩官於本旗衙門。凡二十七日。以初喪為始。外藩王等每日齊集後各歸寓邸。外藩公主福晉額駙王台吉服內至京者。給白布成服。釋服後至京者。男去冠。纓女去耳環三日。王以下文武官員及外藩台吉等公主福晉暨大臣命婦內務府官員均於二十七日大祭後釋服。恭埋喪儀王大臣並

殯宮守衛執事官均百日除服。王公文武大臣官員二十七日內俱服編素。皆百日不薙髮。二十七日

外至百日。用素服。冠綴纓緯。至

几筵前。仍摘纓緯。自百日外。至二十七月內。仍服青褂。  
袍色不拘。夏季帶緯帽。專司

壇

廟

堂子

奉先殿

壽皇殿祭

神殿各

陵寢官員內監人等。停給孝服。免摘冠纓。仍百日不雜

髮出入王公百官齊集時由

東華門

西華門。公主福晉入八分公夫人以上乘馬。餘俱步行。由

神武門除

大行皇太后直班人員成服外。其餘已經成服守衛大臣侍衛官員護軍人等。二十七日内。如遇

紫禁城内直班之期。均素服摘冠纓。

乾清宮尚茶尚膳人員等。皆停給孝服。服素服摘冠纓。二十七日。外國二十七日内來京者。給布

成服。免齋集。近派宗室俟二十七月後舉行嫁娶。遠派宗室以至覺羅及三品以上滿漢大臣俟期年後嫁娶。嫁娶日准其作樂。至尋常作樂燕會。仍俟二十七月後。四品以下滿漢官員均於百日後舉行嫁娶。嫁娶日准其作樂。至尋常作樂燕會。仍俟期年後。在京軍民旗人等男去冠纓。女去首飾。穿素服二十七日。百日不雜髮。百日後准嫁娶作樂。出征軍營官兵家屬摘冠纓三日。免其成服。及本人父母新喪家有出痘者。皆停給孝服。直省官員於

遺詔到日成服早晚哭臨凡三日命婦去耳環首飾素服均二十七日以文到日為始不雜髮凡百日以大事之日為始不作樂不嫁娶如在京官員例督撫等官停止進香在籍四品以上官停止來京滿漢軍民人等一月不嫁娶百日不作樂

○是日行朝奠禮

宣宗成皇帝立殿上東旁西嚮哭

皇子立丹陛西

皇貴妃

貴妃

妃

嬪序立於黃幔內之西。東嚮。

皇子福晉暨近支公主福晉夫人立於後。王公以下百官及福晉郡主以下命婦等齊集傳哭。內務府大臣命婦率尚茶尚膳女官等由中門入。宣宗成皇帝由左門入。詣

几筵前跪。眾皆跪。尚茶女官跪進茶。內監奉茶轉進。

宣宗成皇帝舉茶奠於案。行一拜禮。眾皆隨行禮。尚茶女官撤茶。次尚膳女官進膳。揭巾幕。

宣宗成皇帝親上食畢。執事官進奠几於正中。

宣宗成皇帝詣

几筵前跪奉爵大臣跪進爵。

宣宗成皇帝祭酒三爵。每祭行一拜禮興。衆隨叩興。乃徹饌哭止。

宣宗成皇帝還翼室。衆皆退。嗣是朝晡日中三奠。朝晡進羹飯有饌。日中進果筵。內外齊集均如儀。

十四日奏。

几筵前讀文致祭。及楮堆前輪流奠酒。奉

旨派綿愉繼福晉。慶惠繼福晉。奕諒嫡福晉。奕誌嫡福晉。瑞懷親王繼福晉。○十五日。

命大學士九卿等。敬擬

大行皇太后諡號。○又奏准。十二月二十九日。祫祭

太廟。次年正月初八日。祭

祈穀壇。均遵照乾隆四十二年

諭旨。

郊

廟大禮。雖係遣官致祭。仍當作樂穿朝服行禮。○十六

日

諭。本月二十一日。敬移

皇太后梓宮於綺春園安奉。朕即在綺春園內。苫次居



住。以便朝夕恭奠。

几筵用伸哀悃。十八日。

諭本月二十一日奉移。

皇太后梓宮於綺春園前曾降旨朕即在綺春園苫次。茲復據王大臣等合詞籲懇以朕春秋漸高若朝夕居於苫次恐稍失調衛轉非所以上答

皇太后平日慈愛之心下慰中外臣民之望不得已勉如所請於奉移禮成後仍回慎德堂居住。十九日行殷奠禮。

儀駕全設陳羊酒饌筵楮幣如數豫設

冠服篚於供牀。陳果筵於

几筵前。羊酒於幕內列饌。筵於門外左右。工部設祭文案於檻外之西。置奠几。陳燎牀於燎所。具楮幣。讀祝官奉祭文。禮部堂官二人前導。由中門入。陳於案。

宣宗成皇帝詣

几筵前哭。內外齊集者皆哭。奠茶上食畢。哀止。讀祝官恭奉祭文。禮部堂官恭展祭文。讀文畢。

宣宗成皇帝奠酒三爵。舉哀。衆隨行禮。徹饌筵畢。

宣宗成皇帝立於左。讀祝官恭奉祭文。禮部堂官前引。

送至燎所。首領內監接奉。安於燎牀。內務府命婦內管領妻奉。

冠服篚出。

宣宗成皇帝跪。候過興。公主及在內福晉咸出隨行。王公百官皆退避。齊集之福晉命婦各於其位跪。候過興隨行。祭酒之王福晉行至燎所跪。衆皆跪。福晉祭酒三爵。每祭行一叩禮。衆隨叩跪哭。哀止興各退。二十日。行啟奠禮儀。與殷奠同。

○又奉

旨。二十九日大祭。著改於明年正月初七日舉行。○又

奏准恭頌直省

遺誥查照乾隆四十二年成案由兵部封交各省提塘遞送至日直省文武各官率紳耆摘纓素服出郊跪迎至公署安設行三跪九叩禮跪聽宣讀畢立舉哀復行三跪九叩禮文武官均成服二十七日三日內率紳士人等朝夕舉哀命婦等亦穿素服二十七日直省官百日內不嫁娶期年內不作樂直省軍民人等素服二十七日一月內不嫁娶百日內不作樂官員軍民人等以大事之日為始均百日不雉髮其頒發朝鮮之

遺詔查照成案。封交該國年貢使臣齋回。

遺詔至日。朝鮮國國王率羣臣素服恭迎。止鼓樂。至頒發琉球緬甸越南暹羅各國。交與各該督撫轉發外藩蒙古諸部。交理藩院照例辦理。○二十一日封。

寶。係在二十七日期內屆時。

宣宗成皇帝御青長袍褂。冠綴纓緯。各衙門封印。堂官一人。服青長袍褂冠。綴纓緯行禮。○是日奉移。

梓宮於

綺春園之

迎暉殿暫安所有

紫禁城內穿孝人員照常穿素服摘冠纓出城後仍穿孝服工部豫備八十人大昇輦於

永康左門外儀仗全設屆時

宣宗成皇帝詣

梓宮前奠酒三爵穿駕衣校尉昇

梓宮出左門登大昇輦禮部堂官奠酒三爵焚楮錢大昇輦起行自

慈寧宮至暫安處分為二十班首末兩班用校尉餘選用五城民夫每班派官各四員約束鑾儀衛官

各二員指引進退。擡引幡五班。每班三十二人。擡昇。所過門橋。內大臣奠酒三爵。焚楮錢。自西華門外。沿途內務府官揚撒楮錢。並擡琴黃緞套皮箱鏡架銅盆蠅刷等物。均選管領下人。分班在仗馬儀仗兩旁行走。派管領四員副管領二員約束。

冊

寶奉安於兩綠亭。派校尉昇擡。於曲柄繖前排列行走。王以下。入八分公以上。蒙古王台吉等在

武英殿前齊集。嚮北跪迎舉哀。候過隨行。治喪儀

王大臣內務府大臣禮部工部官員於兩旁附近照料行走。內大臣滿漢大學士侍衛等於

西華門外長街齊集。嚮東跪迎舉哀。候過隨行。未入八分公以下將軍以上於

景山後雁翅樓齊集。左翼民公侯伯以下四品官員以上於

地安門外橋南齊集。右翼民公侯伯以下四品官員以上於橋北齊集。滿漢大臣官員於鼓樓西大街齊集。左翼五品以下有頂戴官員以上於德勝門內齊集。右翼五品以下有頂戴官員以



上於德勝門外松林橋西齊集。左翼間散宗室於土城關北。右翼間散宗室於兩間房北。左翼覺羅於老虎廟西。右翼覺羅於冰窖北。均跪迎舉哀。候過隨行。內務府三旗官員於大紅橋南。東嚮跪迎舉哀。候過隨行。內務府三旗佐領管領下拜。唐阿護軍領催於東攬衆木外跪迎舉哀。候。

梓宮入。隨在百官宗室覺羅之末。排立舉哀。包衣管領下護軍領催拜。唐阿之妻於。

武英殿後。北嚮跪迎舉哀。候過。即由。

神武門出。間道前往。三旗官員之次。排立舉哀。候過。各於齊集處排立。

梓宮後。遠留空當容。

慈寧宮女子車輛行走。次後稍聞豹尾槍行走。次王以下。奉恩將軍以上。蒙古王以下。台吉以上。內大臣侍衛等行走。次民公侯伯以下。有頂戴官員行走。內裏行走之公主。福晉等。豫行前往。仍在迎暉殿內齊集。公主和碩福晉以下。入八分公之夫人。以上。豫行前往。在

綺春園宮門內西旁排立。未入八分公之夫人以

下。兼男爵侍衛內務府三旗官員之妻以上。豫行前往。在西攬衆木外。齊集排立。

梓宮至。跪迎舉哀。候過。王以下。八八分公以上。內大臣侍衛滿漢大學士。在

綺春園宮門外東旁。排立舉哀。內務府三旗官員護軍領催拜唐阿等在王公大臣侍衛之後。排立舉哀。未入八分公以下。有頂戴官員以上。在東攬衆木外。排立舉哀。執事大臣官員等進內奉安。

梓宮。

冊

寶由內務府大臣接受將

冊設於左。

寶設於右。餘物照常陳設。

宣宗成皇帝奠酒三爵。每奠行一拜禮。來隨行禮畢。楮錢引幡一同焚化。奉移後。

几筵前三時供獻。派親郡王輪班奠酒。每日點香燭。交與

慈寧宮首領太監辦理。

綺春園宮門。照例派散秩大臣侍衛等直宿角門。

每門及圍牆派

圓明園八旗護軍參領護軍校護軍等看守。滿月以前每日兩次陳設儀仗。滿月致祭後停止。遇祭期仍陳設。三時供獻。

皇子王等輪班奠酒。大祭前內務府三旗佐領下官員護軍領催拜唐阿男婦。每日一旗輪流。三時供獻時婦進內舉哀。男在外舉哀。大祭後內務府三旗官員護軍領催拜唐阿男婦分為六班。每日三時供獻時。每日一班輪流。婦進內舉哀。男在外舉哀。至念喇嘛經等事。各該處仍照

例備辦。○二十三日。行初祭禮。

儀駕全設。陳羊酒饌筵楮幣如數。設祭文案於

迎暉殿檻外西邊安奉。

冠服篚於供牀。陳果卓於

几筵前。羊酒於幕內。列饌筵於

迎暉殿門外左右。置奠几。陳燎牀於燎所。具楮幣和碩

親王以下。入八分公以上。由

綺春園大宮門左門入。在二宮門外階下橋北東

旁齊集。未入八分公以下。二品以上文武官員。

在二宮門外橋南東旁齊集。三四品京堂。在大

宮門外月臺上東旁齊集。文武各官在月臺下東旁齊集。內務府三旗官員佐領管領下護軍領催拜唐阿等在大宮門內。王公大臣後齊集。內裏行走之公主福晉格格在

迎暉殿內齊集。公主和碩福晉以下。入八分公之妻以上。由

綺春園大宮門右門入。在二宮門內西旁齊集。不入八分公之妻以下。副都統侍郎男爵兼男爵侍衛之妻以上。在大宮門內西旁齊集。內務府三旗佐領管領下官員護軍領催拜唐阿之妻

在命婦後齊集。婦女齊集處所。並設青布步帳。  
奉移後禮部堂官二人恭導祭文。豫由中門入。  
齊集同

陳於案。

宣宗成皇帝詣

几筵前哭。內外齊集者皆哭。奠茶上食畢。哀止。讀祝官  
恭奉祭文。禮部堂官展祭文。讀文畢。舉哀。

宣宗成皇帝祭酒三爵。衆隨行禮。徹奠。

宣宗成皇帝立於左。讀祝官恭奉祭文。禮部堂官前引  
至燎所。首領內監接奉。安於燎林。內務府命婦  
內管領妻奉



冠服篚出。

宣宗成皇帝跪。候過興。公主及在內福晉咸出隨行。王公百官皆退避。齊集之福晉命婦各如其位跪。候過興隨行。祭酒之王福晉行至燎所跪。衆皆跪。福晉祭酒三爵。每祭行一叩禮。衆隨叩跪哭。哀止興各退。○次日繹祭。致祭行禮如儀。不讀文。惟內務府禮工二部堂官恭理喪儀。王大臣及內務府佐領管領下男婦等齊集。○二十四日奉

旨。本年十二月二十九日禘祭。

太廟。明年正月初八日祭。

祈穀壇均應前期三日齋戒。朕於齋戒期內。照議援引乾隆四十二年百日內舊例。御素服冠綴纓緯。至致祭之日。禮畢御用服色。亦與齋戒日同。所有王公大臣文武百官等。除明年正月初七日。已屆應釋編素之期。毋庸議外。其兩次齋戒三日及致祭之日。均著穿素服冠綴纓緯。惟

几筵前凡百執事人等。均仍服編素。○二十八日諭。恭理喪儀王大臣奏。

大行皇太后梓宮擇吉於明年三月二十日卯時奉移。

昌陵隆恩殿。朕追憶

慈顏。悲痛曷極。允宜親送。

梓宮。藉伸孺慕。三月二十日卯刻。朕詣

几筵前奠酒。跪送。即由綺春園啟鑾。前往黃新莊行宮。  
梓宮到時。先赴

蘆殿祇候。跪迎奠酒。仍回行宮。自黃新莊以下各站。皆  
照此行禮。至

梓宮將抵

昌陵之前一日。朕親詣

各陵祭告。仍按時在

昌陵祇候。

梓宮到時跪迎奠酒安奉。

隆恩殿禮畢回鑾。所有應行典禮並一切事宜。著各該衙門及直隸總督敬謹豫備。○二十九日行歲暮禮儀與初祭同。○又奉

旨。本月三十日著穿素服冠綴纓緯。○三十年正月初一日。

堂子停止行禮。

宣宗成皇帝暫御青長袍褂冠綴纓緯。辦事後仍服縞素。王公大臣文武官員穿青長袍褂一日冠綴

纓緯。是日日食救護各官。照成案素服冠纓。

几筵前執事人等仍服編素。○初二日

諭據王大臣等奏奉移

大行皇太后梓宮。因朕年近七旬。氣體尚未復元。合詞  
籲懇。勸朕停止親送。奉安大禮。何敢不送。何忍不送。  
惟諸臣情詞懇切。若不稍減儀文。亦無以安諸王大  
臣之心。三月二十日。朕仍由綺春園跪送後。先赴黃  
新莊行宮。每站

蘆殿。距行宮遠近不一。或有礙難前往之處。著俯從王  
大臣等之請。稍節勞動。每日在行宮苦宿。所有

蘆殿前迎送儀節。恐痛從減。二十三日。住宿梁格莊。二十四日。朕親詣

各陵祭告。按時回

昌陵祭告。祇候

梓宮到時。跪迎奠酒。安奉

隆恩殿。二十五日。祭奠禮成。即行回鑾。○初四日

諭。三月二十日。朕親送

大行皇太后梓宮。據王大臣等復合詞具摺再懇停止前往。以朕身體尚未復元。恐失調護。披閱再三。哀愴曷極。追念臘月十一日以前。每次親詣請

安荷蒙

仁慈曲逮。寬其禮節。示以溫和。並因朕體氣未充。種種優容。惟恐積勞過甚。乃今

音容已渺。追侍無由。僅止執紼相隨。諸王大臣等尚竭力勸阻。自傷暮齒。永感

慈恩。不知涕泗之何從也。敬念

遺愛未寒。朕若執意前往。設使稍有失儀。既無以慰在天之靈。亦未協事亡如事存之義。實萬不得已。強抑哀懷。勉從諸王大臣等之請。朕即停止前往。夙夜負疚。朕其何辭。仍於三月二十日卯刻。由綺春園奠酒。

跪送。其一切應行典禮。各該衙門敬謹詳查酌覈具奏。○初五日

諭。今據大學士九卿等敬謹擬上

尊諡。朕仰惟

慈愛。忍痛摠誠。謹於

徽號十二字內酌留六字。合之恭上

尊諡。稱曰

孝和恭慈康豫安成應天熙聖睿皇后。允足昭垂萬禩。式表尊崇。所有應行典禮。該部敬稽成例具奏。○初

七日。行大祭禮。



儀駕全設。陳羊酒饌。筵楮幣如數。屆時。

宣宗成皇帝詣

几筵前哭。內外齊集者傳哭。獻茶進膳。讀祝奠酒。均如初祭儀。祭畢。禮部堂官前引祭文送至燎所。首領內監接奉。安於燎牀。內裏太監於

宮門外兩旁搭圍幙。鴻臚寺官引王以下。有頂戴官員以上。退避於圍幙後。內務府命婦內管領妻奉。

冠服篚出。首領太監率太監五對前引。

宣宗成皇帝跪。候過興。

皇子福晉及公主並齊集之福晉命婦暨穿孝婦女俱跪候過隨出。

皇子等亦隨出至楮堆處候。

冠服篚安於燎牀上。王福晉祭酒三爵。每祭行一叩禮。王以下有頂戴官員以上及拜唐阿兵丁等於幙後南嚮跪隨叩。

皇子並皇子福晉以下穿孝婦女以上俱隨叩。祭酒畢。眾俱跪脫孝服。停止舉哀。各退。

內庭主位等在

迎暉殿內脫孝。所脫孝服令原派官員之妻拏去。太監

將孝帶請出。交與內管領之妻。送往楮堆處。隨引楮楮錠等項焚化。○次日釋祭儀。與初祭釋祭同。○初十日。孟春時饗。

太廟尚在百日期內。前期三日齋戒。及致祭之日。

宣宗成皇帝御素服冠。綴纓緯。其省牲視牲陪祀執事各員。均素服齋戒。○十一日。行初周月禮。

儀駕全設。陳羊酒饌筵楮幣如數。王公百官及公主福晉命婦等。皆辨位集俟。屆時。

宣宗成皇帝親詣

几筵前哭。內外齊集者傳哭。

宣宗成皇帝祭酒衆隨行禮徹奠。

宣宗成皇帝立於左。王以下皆退。內務府總管命婦內

管領妻奉

冠服篚出首領太監五對前引。

宣宗成皇帝跪候過興穿孝婦女俱跪候過隨出。至楮

堆處俟

冠服篚安奉於燎林上。王福晉祭酒三爵每祭行一叩

禮衆隨行禮跪哭哀止興各退。○初周月致祭

後每日三次照常供獻。令恭理喪儀王大臣及

直宿王公等輪班奠酒。並內務府禮工二部堂

官及內務府三旗佐領管領下官員護軍領催  
拜唐阿男婦等接班伺候。遇祭日陳設儀仗。王  
公百官。以及公主福晉命婦等咸齊集。○十二  
日。定。

大行皇太后吉地為

昌西陵。○十四日。

宣宗成皇帝龍馭上賓。○二月初五日

諭恭辦

昌西陵工程著添派柏後基溥會同魏元煊吉倫泰靈  
桂彭蘊章前往敬謹將事。○又奉

旨。三月二十日卯刻。

大行皇太后梓宮奉移

昌陵

隆恩殿暫安。屆期。朕於綺春園大宮門跪送後。仍步行  
恭送至紅橋。用伸哀悃。俟

梓宮漸遠。朕進福圓門。還飛雲軒倚廬。○十一日。行二  
周月禮。陳羊酒饌。筵楮幣如數。照例齊集。

文宗顯皇帝親詣祭酒行禮。衆皆隨行禮。○二十三日。  
行清明禮。陳羊酒饌。筵如數。陳

儀駕不設

冠服不讀文不焚楮錠供寶花一座照例齊集屆時

文宗顯皇帝詣

几筵前東立西嚮舉哀衆咸舉哀尚茶跪進茶衆皆跪  
文宗顯皇帝舉茶奠於案行一拜禮衆隨行禮尚茶徹  
茶次尚膳進膳揭巾冪

文宗顯皇帝親上食畢詣奠几前跪祭酒三爵每祭一  
拜興衆隨跪叩興禮畢各退○二十七日以三  
月初一日恭上

大行皇太后尊諡

文宗顯皇帝於

圓明園

欽定處所致齋。素服冠緋纓緯。○二十九日。遣官告祭

天

地

太廟後殿

社稷。○三月初一日。

文宗顯皇帝乘輿還宮。至

太和門北階降輿。禮部堂官導引。由

太和門左門出。詣案前北嚮立。恭閱

大行皇太后尊諡冊寶畢。就拜位行三跪九拜禮。轉立



東次。大學士二員仍恭安

冊

寶於匣內。各行一跪三叩禮興。恭奉

冊

寶由中階下。奉安於綵亭內。復行一跪三叩禮興。禮部

堂官奏禮成。引

文宗顯皇帝乘輿。由他路詣

綺春園大宮門外所設幄次內。更換縞素恭候。隨  
駕大臣侍衛官員至此俱摘纓。校尉由

太和門外昇綵亭。啟行時。鑿儀衛執九鳳曲柄黃

蓋一柄。執提鑪侍衛一對。派出之前引官二員。同前引十大臣。並引導侍衛十對前行。領侍衛內大臣帶領侍衛班領執豹尾槍侍衛在綵亭後隨行。侍衛什長二員帶領侍衛五對在豹尾槍兩翼行走。奉

冊

寶大臣執事大臣官員在綵亭後隨行。無執事之內大臣侍衛於

午門內金水橋北東旁跪送親王以下八八分公以上於

熙和門外按翼排立俟

冊

寶綵亭至。俱跪。候過在後隨行。由

西華門出西直門。其未入八分公及民公侯伯以下滿漢文武大臣及四品以上官員豫至  
綺春園大宮門外按翼排立。俟

冊

寶綵亭至跪迎。綵亭至

綺春園大宮門外。黃蓋止。引導侍衛及執豹尾槍侍衛等俱止。所有引導跟隨

冊

寶之大臣侍衛官員執事人等至

綺春園大宮門外。俱摘纓緯。鑿儀衛官豫設儀仗  
於

綺春園大宮門外。

梓宮前。內務府官豫點香燭。供果品十二色。至時。大學  
士二員。禮部堂官二員。各詣綵亭前行一跪三  
叩禮興。大學士恭奉香

冊香

寶禮部堂官恭奉絹

冊絹

寶前引十大臣暨派出前引官二人前引奉香

冊香

寶大臣在前奉絹

冊絹

寶大臣在後入

綺春園中門由中路行至月臺階下前引十大臣止於階下排立派出前引官二人仍引至殿門外止於檐下稍南排立大學士禮部堂官恭奉香絹

冊

寶入中門。奉安於東旁案上。各行一跪三叩禮出。立於東西兩邊檐下稍南。武備院官豫設拜褥於行禮處。禮部堂官奏請

文宗顯皇帝由幄次出。贊引對引各官引從大門東門進。至拜褥前立。鴻臚寺官引和碩親王以下。入八分公以上。按翼由大門之東西兩門入。至二門內稍南。按翼排立。引未入八分公及民公侯伯以下。滿漢文武四品官員以上在二門外。按翼排立。典儀官唱執事官各司其事。贊引官奏

就位。

文宗顯皇帝升拜褥上。所有上香進

冊進

寶宣

冊宣

寶暨奠帛獻爵讀祝行禮送燎均如儀禮畢仍引

文宗顯皇帝由原進門出。至升輿處升輿還倚廡衆按

翼從東西兩門出。○初六日奏准道場期內例

供素饌。惟查本月十一日行三滿月禮。十七日

行百日禮。此二日均在道場期內。擬請照例仍

供葷饌。○十一日。行三周月禮。陳羊酒饌筵楮幣如數。內外齊集。

文宗顯皇帝行禮如儀。○十七日。行百日禮。儀與初祭同。所有

綺春園。應行釋服人等。均釋服。○是日。又以奉移孝和睿皇后梓宮至

昌陵

隆恩殿暫安日期。

文宗顯皇帝親詣

大行皇帝几筵前。行告祭禮。並遣官告祭



天

地

太廟後殿

奉先殿

社稷。○十九日。行祖奠禮。

儀駕全設。陳羊酒饌筵楮幣如數。屆時。

文宗顯皇帝詣

几筵前哭。衆傳哭。一應禮儀。均與大祭同。祭畢各退。清

明所供之寶花。並從前陳設之絹

冊絹

寶俱隨楮錠等項焚化。二十日奉移

梓宮至

昌陵

隆恩殿西間暫安。

儀駕全設。工部豫設大昇輦於

綺春園大宮門外。屆時

文宗顯皇帝詣

梓宮前哭奠酒三爵。每祭行一拜禮。恭理喪儀王大臣

等率執事官校進小輦。恭奉

孝和睿皇后梓宮啟行。

文宗顯皇帝恭導。

梓宮出

大宮門外登大昇輦。

文宗顯皇帝於東北隅西嚮跪。禮部堂官祭舉奠酒三爵。每奠行一叩禮。焚化楮錢。引導如儀。內務府官揚撒楮錢。王以下。八八分公以上。大學士內大臣侍衛等在

綺春園大宮門外東邊齊集。未入八分公以下有頂戴官員以上。間散宗室覺羅及無執事之內務府官員護軍領催拜唐阿等在東橫衆木外

齊集。在內福晉公主等。在內裏齊集。和碩福晉以下。入八分公夫人以上。在二宮門內西邊齊集。未入八分公夫人以下。二品命婦以上。在二宮門外西邊齊集。內務府佐領管領下官員護軍領催拜唐阿之妻。在命婦後齊集。均跪送舉哀。俟大昇輦啟行後。王福晉命婦等各散。

靈駕啟行時。

文宗顯皇帝興於

靈駕左步行恭送。後扈人員隨行。

御前大臣侍衛近前行走人員亦隨行。遇換班時。

文宗顯皇帝跪。衆皆跪。

靈駕至紅橋。

文宗顯皇帝跪送。衆跪候過。俱隨興。

文宗顯皇帝乘輿進。

福園門還。

飛雲軒倚廡。所有帶豹尾槍大臣章京等在。

梓宮後稍間行走。次侍衛排班稍間行走。又次王公百官行走。將近第三班時。王公百官由別路先往。三班齊集處跪送候過。不送往者各散。其送往者乘馬隨行。奉經之喇嘛於三班齊集處另班。

跪送各散。

騎駕前導。每班一百二十八人恭昇

梓宮。頭班末班用校尉。餘選民夫。沿途分為六十班。每班多備四名用少卿以下堂官科道主事以上。民公侯伯以下雲騎尉以上。八旗前鋒參領護軍參領副護軍參領參領副參領。上三旗頭等侍衛。下五旗王府長史等官。四員照管。派校尉四十名穿駕衣。每班派四名。在大昇輦兩旁步行。遇夫役內有力不勝者。即行更換。其餘二十六名。令騎馬在儀仗前兩旁行走。豫備更替。搭

綵頭目八人。作為兩班。輪擊響尺。每班派鑿儀衛官二員。指示更換進退。香

冊香

寶安設鳳輿內。在曲柄繖後行走。派太監十人。輪流在大昇輦左右步行。近前行走之王公官員及太監等。在大昇輦兩旁乘馬隨行。每換班時俱下馬跪。恭理喪儀。王大臣內務府禮部工部鑿儀衛大臣亦在大昇輦兩旁乘馬行走。每換班時下馬照看。換班畢仍乘馬行走。內務府官沿途步行揚撒楮錢。所過門橋。派內大臣二員輪流

奠酒將至末班距

蘆殿不遠王公百官豫由別路前往黃布城北門外接  
翼排立。

靈駕至跪迎舉哀。

梓宮進

蘆殿連大昇舉奉安畢陳

冊

寶於左右六監等點香鑪供獻果卓行夕奠禮遣官奠  
酒三爵每奠行一叩禮衆隨行禮舉哀畢興徹  
饌徹儀仗衆皆散。沿途五十里內地方文武



官員在道右百步外跪迎舉哀候過隨行至宿  
次在黃布城外叩謁行三跪九叩禮奠酒時隨  
班舉哀行禮。○次日早陳設儀仗按翼齊集奉  
移

梓宮時遣官奠酒三爵每奠行一叩禮衆皆隨行禮焚  
化楮錢諸王大臣官員按翼排跪候

靈駕啟行過隨行至第二班更換畢仍騎馬在原行處  
隨行香

冊香

寶仍在曲柄繼後行走每宿

蘆殿均如前儀。○二十四日。在

陵大臣官員等。俱於神石山牌坊外跪迎。

梓宮至舉哀。候過隨行。唵經之。

永福寺喇嘛。於神石山牌坊外另班跪迎。俟

靈駕將至

泰陵紅門。先時王公大臣官員俱下馬排立。衆隨下馬。

奉請

靈駕北嚮暫停。恭代王於道旁遙嚮

祖陵。行三跪九叩禮畢。恭奉

靈駕啟行。至

昌陵

隆恩門外小碑亭。迤西換小輦。由

隆恩門之西門請進。至月臺前。俟恭代王在

仁宗睿皇帝神牌前行三跪九叩禮後。恭請

梓宮奉安於

隆恩殿西間。陳

冊

寶於左右。遣官奠酒三爵。每奠行一叩禮。衆隨行禮畢。

皆散。並遣官告祭。

泰陵

秦東陵

昌陵暨

后土

山神。又遣官恭詣

孝穆皇后

孝慎皇后

孝全皇后陵寢祇告行禮。二十五日。行饗殿禮。儀仗全設。陳羊酒饌筵楮幣如數。豫設祭文案於殿內稍西。設

冠服篚於供牀。陳果筵於

几筵前。列饌筵於兩旁。陳羊酒於幕內。讀祝官恭奉祭文。太常寺官二員導引。由西門入。設於案。王以下。八八分公以上。及在

陵之公大臣等。服青長袍。掛冠。摘纓。在大門外西門月臺上。按翼排立。內大臣侍衛等。在月臺下排立。侯伯以下大臣官員。在西配房前排立。在

陵居住之公夫人。大臣官員命婦。婦人等。在大門內殿西牆角排立。屆時。承祭王由右門入。至殿門外西間。西旁立舉哀。衆隨舉哀。茶膳豫設。執事官進奠几。承祭王詣奠几前跪。衆隨跪。讀祝官恭

奉祭文於承祭王之西跪導引之太常寺官二員跪展祭文哀止讀文畢陳於案復舉哀內務府官執壺遞酒杯承祭王奠酒三爵每奠行一叩禮衆隨叩哀止興徹奠承祭王退立於右讀祝官奉祭文太常寺官導引送至燎所內監奉冠服篚由西門出首領太監前引承祭王跪候過興在陵居住之公夫人命婦等跪候過隨出王公百官皆退冠服篚恭安於燎牀上祭文授首領太監接奉安於冠服篚前祭酒之夫人命婦祭酒三爵每祭行一叩禮衆隨叩跪哀止興各退所有鳳輿傘轡車幃等

項俱同楮錠焚化。車輛任其朽爛。其儀仗行單。交守護。

陵寢大臣暫行收存。俟奉安。

地宮前期。行遷奠禮焚化。自饗奠後。每逢祭日。

冠服篚由

陵寢拜唐阿之妻奉出送燎。其燎池處所。慎選寬闊地方。豫為修砌。○五月二十二日。奏准朝鮮國王遣使臣恭齋祭文香供禮物來京。詣

几筵前進香行禮。例應將祭文交內閣繕譯。所進香燭銀兩果品清蜜等物。交內務府光祿寺豫備祭

筵羊酒如數。楮張交與工部。打造楮錢。夏布綿  
紬。酌量染造鋪袱蓋袱。餘皆設於燎牀。致祭日  
期。交欽天監選擇。祭酒大臣。由部屆期奏派。惟  
梓宮現已奉移。

### 昌陵

隆恩殿距京較遠。若令該國使臣遠道遙征。似不足以  
示體恤。擬俟欽天監選擇致祭吉期。由守護

陵寢大臣致祭行禮。○六月初九日恭值

文宗顯皇帝萬壽聖節。令守護

陵寢大臣穿素服戴雨纓冠綴纓。詣



昌陵饗殿西間殿門外。行三跪九叩禮。

殿門敬閉。停止舉哀。○十三日守護

陵寢大臣代朝鮮國使臣致祭行禮。除祭文送入燎鑪  
焚化外。所進楮張紬布等項。俟立秋後中元致  
祭。一同焚化。

欽定大清會典事例卷四百八十六

禮部

喪禮

孝和睿皇后大喪儀二

道光三十年九月十五日卯時恭加上

孝和睿皇后尊諡。

文宗顯皇帝詣太和門行閱視香絹

冊

寶禮御常服挂朝珠。

冊

寶綵亭至

昌陵大紅門令

陵寢枝尉并行。至

隆恩門外。禮部工部堂官會同

陵寢大臣恭奉

冊

寶。安供

饗殿西間案上。○二十二日。

文宗顯皇帝恭詣

昌陵進

隆恩門左門於

明樓前行禮。御青長袍褂冠。綴纓緯。行禮後出。

隆恩門左門。至西朝房。迤南幄次。冠去纓緯。由隆恩門西門入。先詣

几筵前行恭謁禮。由原進門出。至幄次少憩。仍由隆恩門西門入。詣

几筵前行加上

尊諡禮。宣

冊宣

寶上香奠帛獻爵讀祝送燎如儀。陪祀各官因

昌陵饗殿西間丹陛上為地較隘。先期奏准。於恭加上

尊諡時。令鴻臚寺官引王以下。公以上。於丹陛下近北。陪祀各官於丹陛下近南。兩旁按翼排立。隨同行禮。○十月初一日。行孟冬禮。

陵寢大臣服青長袍褂。冠摘纓緯。恭詣

几筵前奠酒三爵。每奠行一叩禮。○初十日。

孝和睿皇后誕辰。停止告祭

太廟後殿。其

昌陵饗殿几筵前。令守護

陵寢大臣穿青長袍褂冠摘纓。上香。行三跪九叩禮。停止舉哀。○十二月十一日。行初周年禮。儀仗全

設。

陵寢拜唐阿之妻恭設

冠服篚於供牀。

陵寢大臣率執事官陳果筵於

几筵前。列饌筵於西旁。陳羊酒於門外西旁幕內。

陵寢讀祝官恭奉祭文。

陵寢禮部官二員導引。由西門入設於案。齊集各員及

在

陵之公大臣等在大門外西門月臺上排立。在

陵居住之公夫人大臣官員命婦婦人等在大門內殿

西牆角排立。屆時承祭王及執事各官均青長袍褂。冠摘纓緯。承祭王由右門入。至殿門外西旁立舉哀。衆隨跪舉哀。茶膳豫供。執事官進奠几。承祭王詣奠几前跪。衆隨跪。讀祝官奉祭文於承祭王之西跪導引之。

陵寢禮部官二員跪展祭文。哀止。讀祝官讀文畢陳於案。復舉哀。

陵寢內務府官執壺遞酒杯。承祭王奠酒三爵。每奠行一叩禮。衆隨行禮。哀止興。徹奠。承祭王退立於右。讀祝官奉祭文送至燎所。

陵寢拜唐阿之妻恭奉

冠服篚由西門出承祭王跪候過興在

陵之公夫人命婦等俱跪候過隨行齊集各官皆退安

祭文

冠服於燎牀上在

陵居住之公夫人命婦祭酒三爵

陵寢拜唐阿之妻遞酒杯每祭行一叩禮衆隨叩跪哭

哀止興各退○咸豐元年六月初九日恭遇

文宗顯皇帝萬壽聖節守護

陵寢大臣穿素服戴雨纓冠恭詣



昌陵饗殿西間殿門外告祭。行三跪九叩禮。

殿門敬開。停止舉哀。○十二月十一日。行二周年禮。儀與初周年同。○十九日奏准。

列后於二十七月後。尚未奉安。

地宮。應行禮儀。例無明文。今謹擬。

昌陵饗殿几筵前。自二十七月以後。至永安。

地宮以前。凡遇遣官告祭。應用祭品卓張楮錠禮儀。仍照前舉行。惟

冠服篚豫供於殿內。門敬開。送燎時。門暫啟。俟

冠服篚請出。殿門復閉。至三周年後。滿月致祭。照例停

止。其每月朔望。以

陵寢大臣行禮。朔望及冬至。均停止舉哀。清明不讀文。凡遇四時祭祀及告祭。奏派遣官。仍交太常寺奏派。應用祭文。交翰林院撰擬。○又奏准。二十七月後致祭日。如遇

親詣行禮。御青長袍褂。冠綴纓緯。饌筵豫供。殿門敬閉。設奠几於門外。奠酒行禮。隨從執事人員。均服青長袍褂。冠綴纓緯。遣官行禮。承祭執事各官。亦服青長袍褂。冠綴纓緯。惟

几筵前執事人等。仍摘冠纓。至奉安

地宮。自遷奠禮至奉安禮成止。仍摘冠纓。○二年正月

二十四日

諭。

孝和睿皇后梓宮奉安

昌西陵尚需時日。所有恭理喪儀事宜。著添派彭縕章  
基溥敬謹將事。○又奏准例載

列后喪儀。二十七月

皇帝釋服後恭詣

奉先殿告祭行禮。又恭查乾隆四十四年。

孝聖憲皇后二十七月釋服。

高宗純皇帝親詣

泰東陵行禮。會典內並未載有告祭

奉先殿之條。惟雍正三年。

孝恭仁皇后二十七月釋服。

世宗憲皇帝未詣

景陵行禮。會典載有奉

旨擇日於

奉先殿祭告自行家禮等因。今三月初一日。係二十七

月釋服之期。既已

親詣

昌陵饗殿几筵前行禮。且

神牌尚未祔入

奉先殿。應毋庸再詣

奉先殿祭告。○三月初一日。

文宗顯皇帝親詣

昌陵饗殿几筵前。行釋服禮。設儀仗。陳羊酒饌筵如數。

恭理王大臣等率執事官員恭設

冠服篚於供牀。工部設幕於門外西旁。陳燎牀於燎所。

具楮幣。設祭文案於殿內稍西。讀祝官豫奉祭

文。禮部堂官前引。由西門入。設於案。親郡王及

近

御王大臣等於丹陛兩旁。王以下。入八分公以上。於隆恩門西門外月臺上。內大臣侍衛於月臺下。未入八分公滿漢文武大臣官員於西配房前按翼排立。在

陵居住之公夫人大臣官員命婦婦人等在

隆恩門西門內殿西牆角排立。

文宗顯皇帝詣

隆恩門外更衣幄次。御青長袍褂冠摘纓少俟。屆時禮部堂官奏請出幄次。由

隆恩門西門入詣。

几筵前舉哀。衆咸舉哀。尚茶奉茶進於案。

文宗顯皇帝行一拜禮。衆隨行禮。尚茶徹茶。次尚膳進膳獻於案。揭中冓。執事官進奠几。讀祝官恭奉祭文於祝案左旁跪。禮部堂官二員左右跪。恭展祭文。

文宗顯皇帝於奠几前跪。衆皆跪。哀暫止。讀文畢復於案傳哭如初。奉爵大臣跪進爵。

文宗顯皇帝祭酒三爵。每祭行一拜禮興。衆隨叩興。

文宗顯皇帝復位立。乃徹饌。讀祝官奉祭文。禮部堂官

前引。內監恭請

冠服篚。宮殿監侍二人前引。俟

冠服出。

文宗顯皇帝跪。候過興。在後隨行。

冠服至月臺下。內大臣十員前引。齊集之王公大臣官員等排跪。候過。在後扈後隨行。於楮堆兩旁稍遠排立。俟

冠服恭安畢。太監接奉祭文。安於

冠服上。

文宗顯皇帝詣奠酒處。祭酒三爵。每祭行一拜禮。衆隨



行禮畢。

文宗顯皇帝稍後立。東嚮舉哀。衆隨舉哀。遞杯酒。大臣  
灌畢。

文宗顯皇帝戴有纓冠。哀止。衆皆跪。冠綴纓。各哀止。  
駕還御營。○六月初九日。

文宗顯皇帝萬壽聖節。已在

孝和睿皇后釋服禮成後。先期奏准。是日令

陵寢大臣穿青長袍褂。冠綴纓緯。恭詣

昌陵饗殿西間殿門外。告祭行禮。儀與元年同。○九月

初九日

諭。

孝和睿皇后永遠奉安

昌西陵據欽天監奏謹擇於咸豐三年二月二十六日  
所有應行典禮及一切事宜著各該衙門屆期敬謹  
豫備。○十月初四日奏准。

梓宮奉安

地宮後升祔

太廟

神主及供奉

陵寢饗殿

神牌請交工部於

昌西陵東配殿豫期恭造其升祔

奉先殿

神牌於

奉先殿神庫內恭造○十七日

文宗顯皇帝冊立中宮前二日令

陵寢大臣敬詣

昌陵饗殿几筵前讀文告祭○十一月初二日奏准

昌西陵新設員役先期一月於明年正月內前往任事

○十二月初三日

諭。明年二月二十六日。

孝和睿皇后梓宮永遠奉安

山陵。朕於二月二十日啟鑿。二十二日駐蹕梁格莊行宮。二十三日。祇謁

秦陵

秦東陵

昌陵。暨

孝和睿皇后几筵前行禮。並恭謁

慕陵。二十四日。奉移

孝和睿皇后梓宮至

昌西陵饗殿。二十六日。奉安禮成。二十七日。恭詣

慕陵。行敷土禮。禮成後回鑾。於三月初一日還宮。所有  
應行典禮。並一切事宜。著各該衙門及直隸總督。敬  
謹豫備。○十一日。行三周年禮儀。與二周年同。○二  
十七日

諭明年二月二十六日。

孝和睿皇后永遠奉安

山陵業經降旨。定於二十日啟鑾。奉安禮成後。恭詣

慕陵。行敷土禮。事關國家大典。豈敢稍從簡略。惟現因  
勦辦楚匪。直隸調兵數千。又調吉林黑龍江官兵。春

聞陸績過境。兵差絡繹。畿輔地方支應實繁。民力已  
恐竭蹶。若再以蹕路經行。致煩供億。朕心實有不安。  
仰惟我

皇考宣宗成皇帝臨御三十年。恫瘝在抱。無日不以愛  
民為心。即謁

陵典禮。亦有從權停止之時。矧茲逆氛未靖。民困未蘇。  
朕承

皇考付託之重。惟思憂樂同民。因時布惠。豈忍拘循常  
典。重累閭閻。所有明年

孝和睿皇后梓宮奉安大典。並恭謁

慕陵行敷土禮。屆期應遣近支王代朕行禮。俟民力稍紓。再行躬詣。

山陵度申誠悃。至恭奉。

神牌黃輿回京一切事宜。著各該衙門及直隸總督。敬謹豫備。經過州縣。應行蠲免錢糧之處。仍當降旨。照舊加恩。此朕仰承。

先志。軫恤民依。萬不得已之苦衷。我。

皇祖妣暨我。

皇考在天之靈。定邀默鑒也。該部即刊刻謄黃。宣示中外。俾咸知朕意。○三年正月十七日。奏准。各。

陵

地宮內應設

冊

寶石几。向於門洞券內安設。惟

昌西陵門洞券內面寬一丈一尺。所用龍輜車與榆木

牀。均寬六尺。除去左右安設石几四尺。左右各

牘五寸。實屬有礙夫役行走。謹擬

地宮內應設

冊

寶石几各一分。請循照



慕陵成案。交

昌西陵工程處。敬謹造妥。豫為安設於地宮金券門內東南隅。西南隅仍

冊東

寶西。東西相嚮。○又

諭。本年二月二十六日。

孝和睿皇后奉安

昌西陵。自二十四日至二十六日。所有一切典禮。著惠親王綿愉恭代行禮。至恭請

神牌還京。沿途朝夕上香。著恭親王奕訢。惇親王奕誼。

輪替恭代行禮。○又

諭。本年二月二十六日。

孝和睿皇后梓宮奉安禮成。恭題

神主。行虞祭禮。著惠親王綿愉恭代。○二月十五日。

升祔

奉先殿神牌。書寫埽青。派滿漢大學士各一員。詣

神牌前朝服。上香。行三跪九叩禮。敬視書寫埽青畢。復

行三跪九叩禮。暫安供於恭製

神牌處。由該處官員太監。每日點香。銜守視。○二十一

日。以二十四日

梓宮奉移。遣官告祭

泰陵

泰東陵

昌陵

慕陵。○二十三日。行祖奠禮。在

陵之王公官員。及

陵寢大臣官員等。均青長袍褂。冠綴纓緯。讀文齊集。儀

與周年同。○又以二十六日

梓宮永遠奉安。遣官告祭

天

地

太廟後殿

奉先殿

社稷。○二十四日。

升祔

太廟神牌並供奉

陵寢饗殿神牌。書寫埽青。派滿漢大學士各一員。詣

神牌前朝服上香。行三跪九叩禮。敬視書寫埽青畢。復

行三跪九叩禮。暫安供於

東配殿。由該處官員。每日點香。鎗守視。○是日。

梓宮奉移

昌西陵。陳設儀仗。工部豫設八十人大昇輦於

昌陵隆恩門西門外。恭理王大臣等率校尉穿駕衣進

小昇輦。承祭王豫服青長袍褂。冠綴纓緯。在丹

陛石路西旁嚮

仁宗睿皇帝

孝淑睿皇后神牌前。恭代行三跪九叩禮。屆時。承祭王

仍摘冠纓詣

梓宮前殿檐下舉哀。內務府官進奠几。執壺蓋。承祭王

跪。祭酒三爵。每祭行一叩禮。興。哀止。立於右。奉

梓宮啟行。出。

昌陵隆恩門西門。登大昇輦。赴

陵之王以下文武大小官員咸跪。禮部堂官祭輦。奠酒  
三爵。每奠行一叩禮。執壺遞杯如儀。焚化楮錢。  
儀仗前導。

永福寺喇嘛於兩旁排列行走。

昌陵內務府官沿途揚撒紙錢。所過橋梁。派內大臣一  
員奠酒。王公百官恭送。除由

昌陵饗殿西間奉移頭班。及至

昌西陵饗殿末班。俱用校尉昇請

梓宮外。沿途用夫役。分為三班。每班多備夫役四名。再派校尉十六名。輪流在大舉兩旁行走。以備更換。每班派佐雜千總把總一二員管轄照料。仍派鑿儀衛官。每班二員。指示更換進退。搭綵頭目四人。分兩班輪擊響尺行走。近前行走之王公官員等。在大舉兩旁隨行。每遇換班時俱跪。恭理王大臣。內務府禮工二部鑿儀衛大臣。亦在大舉兩旁行走。每換班時妥為照看。

梓宮至

昌西陵門外。升小舉。由中門進。眾咸舉哀。

梓宮轉正奉安

饗殿正中哀止設

几筵陳

冊

寶俟恭安畢

陵寢官供果卓。內務府官進奠几。執壺盞承祭。王詣殿  
檐下舉哀。奠酒三爵。每奠行一叩禮。衆隨舉哀  
行禮畢。止哀各退。○二十五日。行遷奠禮。前往  
恭送。並行禮之堂。司各官。均派三分之一之半。  
工部豫建



蘆殿於隧道丹陛上。設龍輜於

蘆殿內正中。丹陛前接造平臺。支搭戲橋。牌樓門外亦

搭戲橋。入

地宮隧道。自丹陛至

寶牀前。俱合龍輜輪轂。鋪墊木板。成造木軌。陳設饌筵。羊酒楮幣如數。親郡王等於丹陛兩旁。王以下入八分公以上。於

隆恩門外月臺上。內大臣侍衛於月臺下。未入八分公。及滿漢文武大臣官員。於東西配房前按翼排立。在

陵居住之公夫人大臣官員命婦婦人等在大門內殿西牆角排立。屆時承祭王由右門入。讀文祭酒行禮。與在

昌陵饗殿西間行祖奠禮同。祭畢。楮張暫停焚化。齊集各官仍行齊集。在

陵居住之公夫人命婦婦人等豫入琉璃花門內西牆角齊集處排立。俟恭奉

梓宮升小舉畢。承祭王詣殿檐下舉哀。祭酒三爵。每祭行一叩禮興。衆咸舉哀。隨叩興。執事人等恭奉

梓宮由中階下。循殿東行。至

蘆殿內奉安於正中北嚮龍轎上。徹小舉。解去應釋等項。其鳳罩俟奉入。

地宮後啟去。設

几筵陳

冊

寶於案上。供果筵一席於正中。承祭王詣

梓宮前南嚮跪。祭酒三爵。每祭行一叩禮。興。衆隨叩興。恭請儀仗至楮堆處。與應焚套罩等項。一同焚化。其奉入。

地宮時啟去之。

梓宮鳳罩及遷奠禮後應焚各件。交與

陵寢大臣敬謹收存。遇祭焚化。○二十六日。

梓宮永遠奉安

地宮。王公大臣官員照常齊集。

陵寢居住之公夫人。及大臣官員之妻。包衣婦女等。入

琉璃花門內西邊齊集。派出之王等恭奉

尊諡

冊

寶。豫安於

地宮內左右几上。

陵寢官於

梓宮前供果卓。屆時承祭王由

隆恩門西門入琉璃花門西門詣

盧殿

梓宮前舉哀。南嚮祭酒三爵。每祭行一叩禮。衆皆舉哀

隨叩興。恭奉

梓宮龍輜循軌行。太監執鎗前導。恭理王大臣禮工二

部及鑾儀衛執事堂司各官並派出送入

地宮之王大臣。敬視永安

梓宮於

寶牀上禮成。承祭王詣祭臺前舉哀。祭酒三爵。每祭行一叩禮。興衆咸舉哀。隨叩興。哀止。執事以龍輜木軌出。石門永閉。大葬禮成。遣官告祭。

秦陵

秦東陵

昌陵

慕陵並

后土

山神。○是日奉安禮成後。承祭王更朝服。俟

隆恩殿陳設俎豆。牲宰畢。行恭題。

神主虞祭禮。鑿儀衛官豫備

黃輿於

饗殿前丹陛之上。工部內務府官於

饗殿內正中恭設安奉

神主寶座。前設供案。又前設香案。俱南嚮。設題

神主案於東旁西嚮。再設一案於東旁稍次。豫備安放

尊爵帛匣。設安奉

神主連櫬案於

寶座東旁南嚮。派出之禮部堂官豫從

東配殿恭請

神主連櫝安奉於

寶座東旁南嚮案上。設祝文案於西旁。太常寺讀祝官  
豫設祝文於祝案上。屆時題

主大學士並執事陪祀各官咸朝服贊引對引各官引  
承祭王由

隆恩門西門入。至正面西階詣殿檐下中間嚮上立。  
鴻臚寺官引王等以下。入八分公以上。由東西  
臺階行至丹陛上。文官五品以上。武官四品以  
上。在丹陛。下按翼排立。禮部堂官進啟櫝。恭奉

神主安奉於題



主案上。西嚮。倚供於黃褥枕上。退立。滿漢大學士二員。詣案前東嚮。行一跪三叩禮。興。就題。

主位東嚮立。恭題。

神宇空處。題畢。奉。

神牌於案上。行一跪三叩禮。退立。贊引官引承祭王由殿西門入。詣題。

主案前。恭奉。

神牌跪安於正中。

寶座上。行三叩禮。興。贊引官引承祭王朝服。仍由殿西門出。至檐下西旁立。行虞祭禮。上香奠帛。請祝。

三獻爵送燎均如常儀。禮成。太常寺堂官嚮上  
跪奏請

神牌升輿詣

太廟祔饗。奏畢。嚮

神主行三叩禮退。鴻臚寺官引王以下至丹陛下。於各  
官之前按翼排立。贊引對引各官。引承祭王詣  
寶座前行一跪三叩禮。恭奉

神牌興。贊引對引各官。大學士導引。由中隔扇出至丹  
陛。安奉

神牌於

黃輿內興。就拜位行一跪三叩禮。興退避西次。校尉舁黃輿行。鑿儀衛執九鳳曲柄黃蓋一柄。禮部堂官二員同前引十大臣。大學士二員。並引導侍衛十對前行。領侍衛內大臣帶領侍衛班領執豹尾槍侍衛在

黃輿後隨行。侍衛什長二員帶領侍衛五對在豹尾槍兩翼行走。

神牌黃輿過時。王以下官員俱跪。候過隨行。至隆恩門。

神牌黃輿由中門出。大學士止立左右。承祭王由西門

出稍遠。更換藍袍天青褂。恭送。

神牌之王公大臣官員等均更換藍袍天青褂。

因是日係忌辰。

不挂朝珠。恭送。

神牌之王大臣暨前引後扈大臣侍衛並執事人等均俟。

神牌黃輿過大紅門。乘馬依次行走。

神牌黃輿至第一站。供奉。

黃幄內。行夕祭。上香禮。執事官設供案香案。列酒果贊。引官引恭代行禮之王詣香案前三上香。就拜位。行三跪九叩禮。退。行禮時不贊。王公百官不

隨行禮。次早。執事官於

神位前供酒畢。贊引官引恭代行禮之王詣

黃案前上香。行一跪三叩禮畢。立西次。執事官徹案。饗  
儀衛官領校尉昇輿。

御仗黃蓋前列。前引後扈如儀。

神牌黃輿出。恭代行禮之王於西側跪。候過輿隨行。王  
公百官於網城外各按翼跪。候過輿隨行。其百  
里以內文武官員俱朝服。百步外跪迎道右。至  
晚詣

黃幄前叩謁。行三跪九叩禮。每日朝夕上香禮儀俱同。

○二十七日清明。派王一人。恭奉。

神牌入。

饗殿內。照四時大祭例。讀文致祭。○三月初二日。

神輿啟行。恭送回京之。王公百官。朝服從。

神輿還京。

文宗顯皇帝御禮服乘輿出宮。至。

太廟街門外降輿。入幄次。少候。俟。

神牌黃輿至。

文宗顯皇帝跪迎。行。

升祔。

太廟禮。詳見升祔儀。並

升祔

奉先殿。詳見內務府升祔事例。